

Аллоҳагина бандалик қилиш



19:00 / 23.12.2025 615

﴿الْمُهَيَّبِينَ﴾ أَنَا وَمَا إِذَا ضَلَلْتُ قَدْ أَهْوَاءَ كُمْ أَنِّي لَأَقُولُ اللَّهُدُونَ مِنْ تَدْعُونَ الَّذِينَ أَعْبُدُ أَنْ نُسَبِّحُ بِحَمْدِ رَبِّكَ

«Сен: «Мен Аллоҳдан ўзга сиз илтижо қилаётганларга ибодат қилишдан қайтарилганман», - деб айт. «Сизнинг ҳавойи нафсларингизга эргашмасманки, у ҳолда шубҳасиз, адашган бўламан ва ҳидоят топганлардан бўлмай қоламан», - деб айт (Анъом сураси, 56-оят).

Аллоҳ таоло ушбу оятда Пайғамбари Муҳаммад соллаллоҳу алайҳи васалламга амр этиб, мушриклар билан орани очиқ қилиб:

«Сен: «Мен Аллоҳдан ўзга сиз илтижо қилаётганларга ибодат қилишдан қайтарилганман», - деб айт», - демоқда.

қилиб олишда керак бўладиган гаплар ўргатилди.

Биринчидан, Набий соллаллоҳу алайҳи васаллам даъватларини, эътиқодларини, амалларини «очиқ-ойдин ҳужжат» асосида олиб бормоқдалар.

«Албатта, мен Роббимдан (берилган) очиқ-ойдин ҳужжат узрадирман».

Бу очиқ-ойдин ҳужжат ердан чиққани йўқ, балки осмондан тушган. У одамлар қабул қилган ҳужжат эмас, олам ва одамлар Робби, Набий соллаллоҳу алайҳи васалламнинг Робблари томонидан нозил қилинган ҳужжатдир. Мушрик-кофирларнинг эса ҳеч қандай ҳужжатлари йўқ. Бўлиши ҳам мумкин эмас. Чунки улар Роббларини ёлғонга чиқариб қўйганлар.

Иккинчидан:

«Сиз ошиқаётган нарса менинг ҳузуримда эмас».

Мушриклар шошилаётган нарса эса – талаб қилинган мўъжиза келганидан сўнг, азобни тушириш. Бу иш Пайғамбарнинг қўлидаги иш эмас. Унинг имкони ҳам йўқ, вазифасига ҳам кирмайди. Чунки

«Ҳукм фақат Аллоҳнинг Ўзига хосдир».

Ундан бошқа ҳеч ким ҳукм қила олмайди. Ҳатто Аллоҳга энг яқин бўлган Пайғамбар ҳам бунда иштирок эта олмайди.

«У ҳақни жорий қилур».

Ҳақ ҳукм чиқариб, ким ҳақ, ким ноҳақ эканини аниқловчи қози ҳам Аллоҳнинг Ўзи:

«У ажрим қилувчиларнинг энг яхшисидир, - деб айт».

Демак, бундай ишлар илоҳлик хусусиятидан бўлиб, фақат Аллоҳ таолонинг Ўзига хосдир. Пайғамбарлик вазифаси эмас.

«Тафсири Ҳилол» китоби асосида тайёрланди

Ушбу китоб Ўзбекистон Республикаси Дин ишлари бўйича қўмитанинг 2024 йил 22 октябрдаги 02-07/6395-рақамли хулосаси асосида тайёрланди.